



芝之峯集

其九

~16
2433
4





門 16
號 2433
卷 9-4

芝峯先生集卷之十四

皇華集次韻已酉在
洪陽時

次謁夷齊廟二首

以下黃洪憲王敬民
天使詩凡四十三篇

河上彤雲鎖粉墻古祠衰草日荒荒網常百世風猶
奮姓字千年水亦香歌遠采薇空往事城餘孤竹幾
斜陽微誠欲薦將何物一勺清流替酒漿
祠門松栢翠森森祠下愁雲接塞陰烈日並懸千古
節澄波長照二人心君臣大義西山峻宇宙高風北
海深堪笑區區偷活輩身名容易共湮沉

次山海關

芝峯先生集卷之十四



山海雄關控八瀛通衢冠蓋走神京風生九塞秋橫
劍雪照三河夜度兵薊樹歸雲鴻外斷遼城落日鶴
邊明蓬萊此去無多遠弱水東頭可濯纓

次王給諫詠雪宴馬侍御署中

行館高臨玉塞遙朔風驅雪晚蕭蕭官橋未臘梅花
白野岸先春柳絮飄萬里寒威生鐵面千山霽色媚
星軺相如賦有凌雲氣須赴梁園客右招

次渡鴨綠江

塞門天遠夕塵空使節東來趁朔鴻玉帶高分遙海
白錦袍晴暎半江紅千秋日月開青禁萬里絲綸下

紫宮揜為文星將

聖澤前旌瑞氣喜成虹

次車輦蟠松

路上童童一古松低垂不礙檻前峯霜枝屈曲鸞栖
老鐵榦槎牙蟻穴封大壑月臨秋影合空墻烟鎖暝
陰濃天仙撫翫勤題品筆底風雷起蟄龍

次孝女碑二首

女子能留萬古名况渠家世不簪纓莫言斷指非純
孝須取區區盡至情

偏嗇惟知愛啟親割膚醫病効何神躍魚泣竹人稱
孝畢竟猶為男子身

次箕子廟二首

海外分封示不賓八條餘化未全湮故都禾黍空成
穗遺廟松杉老作鱗義炳君臣天地大心傳疇範日
星新千年俎豆應無替山有春薇澗有蘋
亡國如何不我先佯狂被髮計差賢要將外服為殷
土却喜東韓是別天香火尚新兵火後闕宮依舊故
宮邊歌殘麥秀聲疑在往往悲風響夜泉

次泛大同江六首

本二首今
添四首

紫泥封詔濕官黃御座爐烟滿袖將應是玉皇香案
史偶來逢島管風光

橫舟江口駐飛黃共醉華筵見德將赤壁勝遊千古
事何如今日遡流光

寒日淒淒海霧黃玉壺賒酒賴軍將江山陡覺生顏
色為有文章萬丈光

文彩金闈早縮黃九霄雙節共携將仙舟此日人爭
覩繡服霓旌滿路光

滿酌鵝黃擘蠟黃彩舩歌吹夜相將歸時不用謀燈
燭政合乘流待月光

太史文章舊姓黃遠人何幸得逢將舟中咳唾皆明
月海嶠如今夜亦光

次太虛樓

危樓四面對山稜凜烈偏宜酒後凭
飛入半空疑汗漫坐來三伏失炎蒸
碧簷暝合雲初宿琪樹寒多露漸凝
元是太虛天上客偶從清夜此同登

次頒詔紀事

山館初聞第一雞星軺暗度幾重溪
金函並旭明天篆寶馬衝寒踏雪泥
纔覺歡聲連北闕却知休澤遍西鞮
衮衣已入東人詠猶恐行旌不久稽

次渡鴨綠江二首

迢迢玉節下神都馬首清霜引遠途
符彩青霄騰鸞

鷲文章赤手搏於菟星槎夜渡遼河濶
劍氣秋連砥柱孤借問繡衣何許客
分明天上列仙徒
萬里身乘漢客槎鴨江寒日澹平沙
雲間彩鳳隨天詔水底游魚識使華
草木改容袍妬錦山川增彩筆
生花莫將衣帶分區域聖代車書自一家

次車輦館

高館岵嶺俯碧岑夕陽牽輿浩難禁
雲迎羽蓋來千里風送松濤滿一林
遙海落霞當檻外好山晴雪隔溪潄
多情物色宜清賞輸與真仙醉後吟

次蟠松

古驛松陰好淹留半日歡葉如青蓋偃根學老虬蟠
黛色和烟暝霜枝逗月寒憤經仙客翫封植敢忘韓

次嘉平館觀射

十月嘉平滌場圃削地千步環以堵射士雙雙為博
歡腰袂忘歸手承附有技既能妙穿揚有力還應制
奔虎箇中誰是干城才倘報皇恩肉驕虜

次百祥樓

登臨多異景雲物互呈祥為是初陽近行者一線長
樓居何縹緲仙侶此翱翔不盡山陰興還思雪裡航
次肅寧館微雪見驛間詩韻

開庭乍見雪花飛爽氣潛來玉女扉晴逼嶺梅花欲
吐冷侵樽酒力猶微樓中絳節初登眺海上青山與
發揮為是壁間留羨句寒天草木倍光輝

次箕子墓

仁賢遺澤未全收心事當年在九疇大命難扶六百
業偏封尚保一千秋分明廢井東西隴慘悵佳城遠
近揪玉節飄然來展拜喜看雄藻音荒陬

次練光亭

織女機頭一匹練何年掛向清江開風來時作縠紋
皺水淨却疑銀漢回天上神仙駕笙鶴醉中豪興起

瀛萊安期留舄即此地不妨弭節重遲徊

次渡大同江

華夏封疆隔一水域外咸仰 明天子星虹瑞慶紀
千秋玉帛梯航走萬里煌煌使節自遼陽眼窮東極
何冥茫筆端揮灑溟海竭珠玉璀璨聲鏗鏘仙舟晚
向鏡中過却疑千仞鳳凰偶來人世同翱翔遠人快
爭覩氣宇何軒昂何軒昂動海國扶桑旭日光並烜
須將傑句記行役此地從今留勝迹

次生陽館

瑞紀流虹日陽生古館時萬邦同大慶偏壤亦殊私

詔自金臺下灰從玉管吹書雲應報異槎上福星隨

次太虛樓值雪

高樓解挽使華行入座風烟脚底生遙野畫圖寒樹
列近城螺黛暮山橫雲中道路三千迥雪後闌干十
二清身上太虛同羽化晚來登眺有餘情

次鳳山道中遇雪

同雲如潑墨決漭迷長陌寒雪正隨車臘前今幾白
天公亦解事似欲留佳客急呼軟脚春一醉排嚴節
次龍泉館

金巖積翠寶山連鑄出龍光夜射天借問匣中三尺

水何時涓滴化鳴泉

次宣 詔禮成二首

祥虹瑞電萬年期休澤仍教城外知身作使星明海
徵手將天詔播馮夷瓊枝並擢青雲迥玉韻雙含白
雪奇今日東民真竊幸快看丹穴鳳凰儀

朝廷禮樂邁殷周鯨域由來雨露優北闕雲隨雙鳳
節東溟波動六鼉頭車前瑞雪迎人舞仗外香烟傍
馬浮抃舞避氓爭頌祝三韓今比內邦侯

次太平樓

東來異氣夜衝星萬里仙槎此處暫停地拆滄溟朝北

極天迴白嶽作長屏烟光欲染宮袍紫山色如逢客
眼青生齒即今皆 聖澤咨諏須為奏明庭

次登太平樓次許太史韻二首

神仙自是好居樓方丈三韓儘可留新雪故迎雙節
舞亂山遙拱五雲愁聯篇逸興毫端動滿座春光酒
外浮認取太平還有象海邦佳氣接神州

虹流嘉瑞屬千秋賓主交歡共一樓几席真仙傾遠
蓋山川太史記曾遊只緣戀闕頻回望不是思鄉浪
起愁欲識吾 王誠拱北羣峯環擁向燕幽

云辰故

太平樓
改名拱

次慶會樓

碧瓦朱甍壓澗阿此中端合列仙過
屏間冷影開雲
毋池上清光待月娥三島烟霞雙眼迥
一樽賓主兩
情多嘗筵不盡留歡意休唱驪駒白玉珂

次漢江夕泛

薄暮移舟遡急湍烟波浩渺接天端
頻斟竹葉香浮
翠細斫銀鱗雪入盤遠樹參差圖上色
輕梳蕩漾鏡
中寒清遊後夜應成夢江月分明照玉欄

次漢江樓燕集

地形高處着飛樓天遣靈仙辦勝遊
寒日蘸波金閃

閃淡烟籠水玉悠悠江山愜賞如增媚
物色供詩且
少留向夜月明看轉好憑闌更合放清眸

次葱秀山觀玉溜泉

秀色葱龍晚景開翠屏斜帶石泉回
烟巒簇簇排千
戟雲窟泠泠噴百雷清暎雪霜蠲俗慮
冷含冰玉入
仙杯涓流豈比廬山勝題品還逢太白才

次百祥樓

喧喧笳鼓動江城城上雲開返照明
脚底鯨濤聞渤
解眼中螺黛見蓬瀛地連西北三邊壯
天割東南萬
里平名喚百祥知不惡何妨使節且留行

次留別遠接使詩

萬里風沙入望平海關晴雪引行旌蓬山玉鳥空留
跡銀漢仙槎渺去程豕首白知遼野近鴨頭青見浪
江橫人間天上元相迥無限蹄涔悵別情

次赴義州值雨

以下宋之蕃梁有年
天使詩凡十七篇

天上紅雲別帝閣福星分彩照邀藩青丘雨露行邊
洽紫禁烟花夢裡繁曙色旌旗連薊路春聲鼓角動
江村居人莫恠風雷至雙鳳聯翩從九鷗

次聚勝亭曉發

一州形勝聚斯亭四面雲山列畫屏倚遍闌干天欲

曙角聲吹月下寒汀

次白峴

界破青空白練開雨師清路淨無埃騷人不省春將
暮却擬騎驢雪裡來

次麻布川

青春日與川同往雨後清波知幾長麻布還如淨練
光此間宜着仙人舫

次赤峴

野濶青分溪畔柳林晴紅襯嶺頭花若為喚起山靈
飲共醉仙杯酌紫霞

次三清閣

半空丹碧落新成
笙鶴飄然象外情
何用別尋天上
去百祥樓閣即三清

次新院屯

羽蓋行穿曉霧開
海鳴迎客也無猜
居人擁路成屯
處要着雙仙奉詔來

次芥山

石峯高與白雲平
應自媧皇鍊色成
零落千年餘芥
鑿爛柯何處問王生

次巖峙川橋

橋上真仙鏡裏歸
川光如練染征帷
何人錯把巖名
峙突兀羣峯競欲飛

次簇錦溪

堤草暗欺雲碧袖
柳條輕颺麴塵絲
溪流簇簇鋪新
錦似學仙袍五色奇

次西山灘

西望羣山色鬱蒼
石根灘響玉琅琅
晴林傍路陰成
幄似為皇華薦晚涼

次屏風巖

羨水佳山幾飽輕
杜遊渾似御風冷
夸娥定為天仙

至故斷幽巖作翠屏

次猪灘

曾從三豕過河灣今涉猪灘十載間頭白遼東千里
路夢魂長繞鳳凰山

次金郊

路盡金郊百里遙小軒如水晚寥寥天公為餉詩仙
興望月溪風共赴招

次碧蹄夜發

聖化東流海不波青丘初見使星過千秋瑞色騰華
渚萬里霜威凜太阿火炬燭天明似月輪蹄織路亂

如梭遙知冠蓋郊迎處前道爭鳴九陌珂

次新院弘濟二橋

喧喧鏡吹動前川驚起潛蛟水底眠列炬曉從橋上
過恍看笙鶴下雲天

次蒼玉巖

玉立蒼巖飲怒虬巨靈應為鎮青丘品題一入詩仙
眼從此佳名擅九州

跋

萬曆戊申不佞視篆洪陽越明年春天使行人
熊化將至以製述官被召入都凡製述官必和

進皇華集例也於行篋中得黃玉一帙用其韻投
進而朱梁詩韻乃偶占也並附之共六十篇夫古
人以和韻為詩家大魔障故次韻之作不見於盛
唐之世不佞于詩萬不及盛唐而犯古人之明戒
烏得免作者之所笑也哉噫

芝峯先生集卷之十四

芝峯先生集卷之十五

禁中錄已酉十二月
止庚戌五月

騎省漫詠并序

余從庚寅以來屢忝騎省凡為佐郎者一正
郎者二叅知者四叅議者十二或謂余曰子
專精詞學而無所用於世軍旅之事非子所
能而久於兵官若是何也無乃有老謀奇略
合着論兵地耶余大笑因作此詩以解嘲云
一生官祿在兵曹二十年來十九遭曾歷郎中猶是
忝夕居堂上詎非號食腰間霜電龍雙劍心下風雲豹

六韜從此命途方自信文星不及將星高

銀臺記感并序

余自忝代言于今十六年舊時青鬢已斑斑
雪矣中間憂樂外沉事緒非一茲成短律以
抒長懷云介

江海頻年作遠遊重來今日感兼羞烟花紫禁尋常
夢雨露銀臺十六秋三省吏人新面目九霄簪笏舊
風流欲將筋力酬恩寵未覺摧頽已白頭

疊韻呈左令公

自笑官衙是馬曹年來白髮苦相遭催人歲月供衰

病隨世功名任老饕長策豈能裨國計半生空復問
戎韜感恩今日慙非分兀坐中書地位高
粉署青雲別舊遊六年剛辦折腰羞歸來瘴海愁中
月鎖宿彤庭夢裏秋天地有恩容病物衣冠不分廁
仙流諸公好事賡新詠可是詞林作話頭

又次韻時院中俱
被臺評

清切銀臺冠列曹餘生何幸 聖明遭為官久任潘
郎拙不去還同謝令饒良綿自耐彈終易破劔難逢掘
且須韜着將簿劣從人笑丹地尋常步武高

敬疊前韻謝右同副兩代言見和

荷橐今成九度遊強顏聊復任低羞形容已老心逾
壯天地雖春鬢尚秋凍雪巧從梅上落晴烟暗傍柳
邊流詞仙麗句知難和賤子惟思讓一頭

愧我詩名謝水曹聯襟却喜賞音遭偏沾盛澤同春
盎不怕餘寒挾夜飈食昭代固知無棄士腐儒誰信有
竒韜鳳池今日增清切仙客新篇白雪高

妙歲初從玉署遊春風曾飽太官羞天心雨露還今
日闕下星霜已幾秋休道世情多異態也知襟韻自
同流臺中小吏應相笑糠粃如何在上頭
官忝銀臺自我曹不才端合謗頻遭狂憐麴蘖仍成

癖老嗜詩書亦太饜食誰潤朝廷綸綍羨幸逢關塞甲
兵韜只今盛際真堪詫咫尺依光日月高

冬雪

雲葉飄空雪脚重窓前頃刻失南峯亂鋪地面堆盈
虎低壓墻腰卧玉龍剩覺樓臺留月色旋教草木假
春容孤標未肯同埋沒唯有青青嶺上松

疊韻謝洪鹿門見和

蓬萊宮闕鎖千重銀作樓臺玉作峯鈿砌曙光欺舞
鶴璧門朝采絢成龍瑤華綴樹梅羞色粉屑堆庭地
改容須識天公多戲劇併將繁蕊誤蒼松

正月十三日雪後又次前韻

夢入瑤臺第幾重
覺來殘雪瞰晴峯
祥雲護闕低丹鳳
旭日窺簷駕赤龍
寒瀉御橋冰作柱
色粧宮樹玉為容
省中剩有凌虛氣
却笑臞仙學餌松

感懷用前韻

家住青門樹影重
開窓靜對翠微峯
霧沉南谷迷巖豹
冰拆西江起蟄龍
新柳欲生春後色
早梅先妬臘前容
今宵偶作芝園夢
雪點岩頭五鬢松

雪曉詣院即事

珮馬趨朝雪滿鞍
斗嶠金闕漏初闌
天恩尚覺渾身

暖坐下青綾
曉不寒

次許岳麓述懷韻

乾坤小傳舍日月
無停輪擾擾紅塵內
誰是度世人
我欲乘元化
飛飛凌紫旻
知公本天仙
來作歲星臣
因疾得養性
年邁氣愈新
方將慕真隱
結屋清江濱
丹霞以為糧
雲月以為隣
衰顏變韶稚
素髮還青春
問公何能然
斂形而畜神
此術可醫國
豈但醫一身
所喜心不病
休言臂不仁
衣冠苦相縛
得喪竟非真
逍遙九天上
思與韓衆親

送同僚金承旨景進赴任洪州

我入君方出有同相避然如何聚會地便作別離筵
驛路湖中雪官城海上天徵還應不日重笑鳳池前

正月望日陪祭後有感

夢回行漏徹三更雪裏靈宮夜殿清祀罷滿庭明月
色淚和松檜暗無聲

陪祭時侍臣不得哭臨故結句如此

送崔瑩仲出按關西

聲名早飽遠人聞遺愛安陵舊使君戎節曉辭清禁
月福星春照渭江雲板輿今日重承渥燕石他年行
勳最是情親偏惜別鳳池寥落倚西曛

安陵即安州別名

大祥日陪祭後口占

雨露空宮歲再周衆官奔走曉庭幽侍臣一哭猶無
地淚入春泉咽御溝

該曹以承旨史官無位次不許哭臨

次韻三首

聖朝裡祀做殷周雷哭千官響震幽獨有老臣偷下
淚潺湲一夜欲成溝

燈燭輝煌殿四周必芬靈寢夜幽幽天容黯慘春無
色雪裏餘寒凍瓦溝

幾年淪落始歸周掩淚東風玉殿幽猶憶紫宸春早
日佩聲朝下綠楊溝

金正字誠立遣奠挽二百五十言

金君我良執氣高才絕倫少小即同袍情如兄弟親
文藝妙一世發軔青雲春奈何造物猜長途淹驥足
壬辰海寇至我赴嶺南幕君時倣記注立語銀臺門
安知此一別永作生死分我還聞君訃痛哭龍津夕
天乎何不仁使君至此酷無兒亦無壽斯理諒難詰
扣心問天公好惡一何謬老血彼何修終身能守牖
凶短此何辜才豐而命嗇天公為嚙噓謂我何迷惑
人生各有數脩短非一道曹蜍生固死百歲未為老
顏回死猶生三十還非夭壽亦何足喜夭亦何足悼
達人貴信命所以不怨天天亦何為我但各任其然
浩浩天壤間萬事竟何有

送洪監司輝世按關東

我聞天之言心腸頗開豁死生本回環禍福相倚伏
君子盍勉旃令名為不朽持此欲慰君君其知也否
管領名區二十州使君亢是列仙流滄溟倒瀉杯中
曉物色收歸橐裡秋叢石高風來鶴背洛山初日湧
鼇頭蓬萊舊侶應相問白首龍鍾病未休

春半

春半寒猶峭輕陰鎖不開草心穿雪動花意被風催
世事人今老天時物自胎銀臺坐牢落思入故園梅

送李東嶽子敏赴潭陽

交承夙契密詩酒舊洪陽色養三州大行途五馬忙
江山需翰墨廊廟重循良惜別將何贈文無草未長

崔豹古今注曰相別贈以文無文無當歸草也

三月三日謝趙一貫車復元來過

三分春色二分闌惆悵佳辰夢裏還烟染柳條纔着
眼日烘桃萼欲生顏功名任拙風塵下詩酒論交字
宙間拚醉一場難盡興杖藜重肯扣柴關

詠玉堂恩賜玉杯次韻并序

萬曆己酉歲以劉大使齎進玉杯分賜于

弘文館其溫潤之美琢成之妙真天上奇寶也學士諸公咸作詩以侈之

彩動黃金闕恩歸白玉堂乘槎隨漢使剖璞自荆王
翫處冰無色樹來雪有香詞臣沾既醉再拜荷龍光

寒食日陪祭永慕殿記感

令節還龍忌東風又燕歸玉宮春惻惻金闕夜依依
檜栢悲中響香烟淚外飛禮勤誠未懈霜露濕天衣

漫遣二首呈李五峯并序

時有一禁亂官以詭言簡子之說上聞故敢
露下情而過自分疏罪在輕擾茲成二律一

以解嘲一以示讖云

聖代容衰鈍洪恩沐鳳池榮名真不分貪戀最非宜
見影杯蛇異聞言市虎疑江湖春萬里鳴鷺是心知

其二

鴈帛言為詭狐冰聽自疑舌強雖已咋事往奈難追
野性明公許愚衷聖主知嗷嗷真太過方寸本無欺

閏三月三日次洪鹿門韻

樂意隨年減春愁與病參花光黿禁裡草色鳳池南
坐閣東風軟鈎簾午雨纖何妨謀一醉佳節後重三

閏三月五日與同僚會飲即席次前韻并序

同僚因鄙詩有謀醉之語屬罰禮于右副令

公時南廳雜花盛開相與小酌而罷

簸糠羞並列倚玉宰相參勝事銀臺上詩情竹塢南
露花粧臉巧風柳舞腰纖小戶嫌先醉深杯不待三

送李公州伯吉赴任

籍甚名都會湖西第一州地連雞岳秀天入錦江流
邑敵須良牧邊虞倚壯籌遙知望京處拱北有高樓

拱北樓名

李同知尚信挽

間氣生賢宰蜚英際盛時文星高奕世卿月照連枝

國耳身先病天乎藥未醫
壑舟中夜去無復濟川期
車五山以教授將赴咸山

造物偏憎命明時豈棄才
着鞭空慕祖埋劍不逢雷
歲月供吟杜山河落酒杯
雄心猶萬里笑指朔雲開

其二

對酒雙眉宇論交一肺肝
詩篇工部碎官位廣文寒
關塞今投筆風塵幾據鞍
病懷無惜別怡悵暮春闌

次車五山見贈韻

倦游當日古洪陽往事如今入坐忘
萬里鶴心玄圃遠九霄鵬翼碧雲長
形容宇宙忙中老氣壓江湖醉

後狂銀省廣文俱落拓世間榮辱一黃梁

相逢行

紅塵簇擁七香車寶馬驕行踏落花
第五橋頭楊柳樹樹邊珠箔是郎家

庚戌重五日

雨濕黃梅曉宮中五五天玉觴蒲酒滿金戶
艾人懸競渡荆南俗離騷澤畔篇遙憐墻外路
樹影送秋千

五月十一日 東宮冊禮後頒赦即事

法殿新開黼座橫青闈授冊禮初行
天隨解澤將成雨日為嵩明旋放晴
地獻南山千歲色波沾小海萬

年清羣官稽首龍墀夕蹈舞昌辰頌太平

是日欲雨晚晴

題心適堂

早梅香裏屋三椽聞說幽居占別天詩句有時因漫
興酒杯隨分送殘年閑行野逕雲相逐靜坐溪沙鷺
共眠可是此心元自適不妨呼作散神仙

五月二十日社稷陪祭口占

露下靈壇向曙清苾芴邊豆享神明旌旗掩月三天
色環珮敲風五夜聲燈外星河垂北岳仗前雲氣屬
西城金輿晚破松杉逕霧重深林日未生

社稷祭後賜諸享官飲福宴于仁政殿庭病未

隨叅詩以記事

露壇清夜奠牲牢禮罷彤庭許燕毛金殿瑞香凝鵲
尾玉階仙樂奏龍璫杯中萬壽南山近席上三光北
極高惟有老臣還抱病勝筵虛負醉宮醪

右禁中錄者即余在銀臺時所作也屬而和者左
承旨金休庵尚書右承旨洪鹿門慶臣右副承旨
李九畹信元同副承旨尹陶齋賜皆同僚也夫銀
臺之官夙夜在公恪勤同事其親且密如此故必
托諸繪事以敦契好其來久矣而既禁不得為則
可圖以為不朽者惟在於是錄不宜使恣恣而已

芝峯先生集卷之十五
况文章之傳於世又非區區繪事之比哉今以篇
帙太夥只記鄙作于此云

芝峯先生集卷之十五

芝峯先生集卷之十六

續朝天錄

起辛亥八月
止壬子五月

八月十一日白蓮寺宿夜口占留奉親舊

寺裏曾遊處天涯欲別時水聲今夜夢山色去年詩
爽氣衾先覺離愁髮獨知明朝萬里路烟樹杳相思

十二日歷掃先壙紀感

早打城西路荒原白露時溪雲纔掩日山雨恰催詩
夕淚巖泉響秋聲壠樹知松楸今一別惆悵隔年思
臨津舟上用前韻

雨晴征路好秋色渡江時石壁舟中畫雲烟座上詩

面從黃帽識心許白鷓知他日燕臺夜滄波夢裡思

松都感古

勝國千年地清秋八月時廢宮無故迹行客有新詩
往事孤鴻沒荒墟老木知傷心臺下水流盡夕陽思

贈朴羅州南郭老兄為別

洒落平生友惟君海內奇青陽初契合白首共襟期
薊北今千里天南又一麾自憐衰病日非復壯遊時
世故啣杯少情深解手遲分飛吾更遠兩地若為思

寄別李都事德餘北幕之行

氣槩平生儘負奇北門行色好男兒咸關曉日雲隨

馬長白秋風雪映旗章擻手閑頻把酒據鞍身逸但
吟詩天涯老抱吾偏苦惆悵燕山此別離

十五夜見月

節序三秋半闌山萬里寒年年今夜月幾度客中看

平山館

寥落平城館秋光正好時野花黃映酒山月白宜詩
旅夢孤燈伴雄心一劍知途中逢令節多少故園思

慈秀山訪朱梁 天使遊迹

山光慈秀勝巖溜雨餘時石有仙人榻天留學士詩
盛名村老誦陳迹渚禽知立馬斜陽路西風不盡思

龍泉道中

斷腸烟樹夕陽前千里長程一短鞭行盡驛西秋草
色碧峯陰畔見龍泉

又次前韻

海驛秋將晚嚴程又此時好山朝作畫清月夜供詩
客意登樓怯衰顏對鏡知十年長在路休說遠遊思

龍泉館

頻歲遠為客歡娛能幾時山川杯裏興風月橐中詩
世味隨年減人情到老知平生江海夢尊膾入秋思

鳳山道中

鳳城秋色裏行客夕陽時遠樹濃疑畫晴山淡似詩
嫩霜官柳變涼氣野梧知惜別當年事臨歧有所思

宿洞仙館前人家

斗屋孤眠處天涯見月時溪山當客眼物色要吾詩
節去秋虫覺涼來夜鶴知重遊無限意悽切古今思
奉呈正使令公用前韻

平生少陵老文彩擅今時洒落陽冰筆清新太白詩
追隨真自幸宿昔荷相知最是秋窓夜停杯話舊思
黃州次前日廣遠樓韻并序

曩在辛丑以都司迎慰使經過此州與遠接

使李月沙聖徵從事官朴南郭說之李東嶽
子敏洪鶴谷輝世製述官車五山復元相與
唱酬抵今年餘矣追步其韻以寄感云
偶同樽酒此重遊遠客愁懷晚倚樓一夢去來人已
老十年憂樂水空流行邊物色供青眼醉裏風烟入
白頭惆悵驛程秋萬里五雲西指帝王州

黃州留別閔兄李甥

立馬黃岡八月時去留懷抱兩心知天涯十日九風
雨客子七年三別離官渡夕陽楓葉暗驛樓秋色菊
花遲恁恁未了連衾話腸斷關河萬里思

到大同江崔監司瑩仲出待舟上歡飲

樓船天上泛簫鼓鏡中迴地自箕都勝詩傳牧老才
江山千古興風月九秋杯盡意須成醉餘生幾去來

憶昔

憶昔經過浪水邊雪中樽酒醉離筵佳人莫怪容顏
改已老當時十一年

漫成

作客衰遲日殊非少壯時逢場須屏酒遇景莫吟詩
舊迹江雲散孤眠海月知安身有良法第一息心思
安定館憶箕城昨遊

一笑秋風淚上亭故人雙眼對樽青相思最是西樓
夜月滿雲屏酒未醒

雲巖院廢基

往事雲巖院秋林日午時祇今惟廢址無復舊題詩
客恨蛩吟織幽懷蝶夢知流光誰借問回首一沉思

途中

十年蹤迹幾天涯一節重來鬢已華江館夜涼初白
露驛亭秋色未黃花西州風月詩中盡北極山川脚
底餘擲罷離觴頻跋馬斷腸關路渺烟沙

三清詞六言

三清閣百祥樓昔一別今十秋綠鬢凋朱顏老誰識
得此中愁

百祥樓三清閣少年時舊遊迹列紅燭間青娥與君
飲何不樂

二十八日大雨風不得渡江仍留安興館

關外雙星使河邊八月槎誰教一夜雨添却萬重波
地主應留客天公故作魔晚來風更惡舟楫欲如何

嘉平館

十載重携一影來齊山亭上暫徘徊地靈似有留人
意洞口烟霞鎖不開

清江石橋少憇因次宣川板上韻

十載宣城郡曾從畫裏過芙蓉堤上路楊柳岸邊家
山色迎眸碧溪聲入夢多澄江思謝守誰復繼詞華

良策館

憶昔庚寅歲初從薊北還病淹寒館裏吟到曉燈間
萬事今疎髮重遊已皺顏西風無限思愁對驛南山

見月詞

離家見月愁在家見月喜所見同一月人情自殊視
愁亦從何生喜亦從何起達人本無心愁喜兩忘爾
到處即為家安知身萬里見月輒成歡邀月時共醉

月入我杯中倒下詩腸裏寫出萬斛珠與月爭清媚
月固有虧盈此心無瑕累炯然長似月冰壺湛秋水

築城詞

五日運一石十日運一木驅石鞭見血伐木山盡禿
主將但務速役卒敢言勞樓櫓一何壯雉堞一何高
看看匪石築一一民脂膏築已旋復壞何時築得成
吾聞以城城不如以賢城城城止百年賢城可萬里
萬里與百年終亦有時毀曷若民為城本固邦乃寧
此城雖無形萬世保太平是知城非城至險戡小民
願盡無形城持以謁 楓宸

聚勝亭夜飲

高亭迥壓海雲隈錦席秋光向夕開關塞十年頻去
國江山千里又登臺愁邊白髮驚時序客裏黃花對
酒杯邂逅天涯拚一醉不妨歌吹夜深迴

統軍亭雨後乘夕獨登

落日低平野晴江擁翠屏天涯今古意獨上統軍亭

書懷

統軍亭下鴨江頭萬里萍蹤此壯遊脚着浮槎曾上
漢身隨一劍屢觀周黃花雨裏重陽酒紅葉霜前九
月樓可耐西風吹客思海門東望故園秋

重九日風色斗寒不得登高府伯開宴于中堂
而以疾不赴感嘆成詩

徹夜笙歌鴨水濱滿堂華燭座生春自憐卧病違高
會少却尊前落帽人

漫成

少日曾駢馬秋風又使軺客來西地盡路入北京遙
野暗遼山雨江鳴渤海潮登臨須共醉別恨在明朝

府尹東軒宴飲口占

醉倚危軒落日風客遊懷抱一樽同遼城眞色當簷
合渤海秋陰入座空景物收歸詩筆裏河山浮動酒

杯中逢場不盡踈狂興氣槩平生老尚雄

十五日渡鴨綠江

一船尊酒夕陽痕去住情深各斷魂欲問今宵何處宿隔江蘆葦月明村

宿狄江村店

一別龍灣萬里雲碧江東去日西曛歌姬無限陽關曲今夜依稀夢裏聞

東八站途中

遼陽九月霜威冷峽裏秋容雨更催人面有山皆錦繡馬蹄無日不風埃河通北漠玄冰早關擁中原紫

氣來行盡華夷交枕地客愁都付菊花杯

宿鎮東堡丁大家

遼野蒼茫月一痕荒城重訪古仙村看渠道氣全家在知是當年白鶴孫

宿草河洞是夜大風寒

秋盡關河驛路難客窓愁伴小燈殘無端鴈背西風惡吹作征人一夜寒

宿碧洞人家

客路秋風落黃花笑病容開窓紅葉盡林外獻青峯

宿狼子山村居

行客欲投宿夕林孤鳥還路傍貧白屋籬落富青山
鴨水微茫外遼城晡靄間秋高戎虜近日出始開關

途中

客路行行幾日休一回西望一回愁天連海岱常多
兩地近陰山易得秋南北風塵聊倚劍古今霜月獨
登樓羈懷且莫憑詩遣纔到吟成欲白頭

寫懷

宵懷落落氣成虹鬼眼平生宇宙空社日別家同去
燕翔雲驅馬背來鴻帝居星拱北辰北鄉國天連東
海東萬里悲歌向燕市此間今有幾英雄拜辭日適社日故云

記夢并序

在遼東日夢化為鶴飛升九天之上俯瞰九
萬里依微世界一餉間欠伸而寤起視寢廓
則雲斂天倪寒月正中不知我為鶴耶鶴為
我耶恍然有羽化騰空之意始信莊周胡蝶
之夢非寓言也

白鶴城邊月正明碧空無際夜雲輕誰知旅枕愁眠
裏化作飛仙戲太清

感懷

遼城今日客三過華表荒涼月色多夢裏偶然成白

鶴向來鬚髮漸皤皤

午憩沙河鋪小睡

倚枕無端入睡鄉
僕夫炊飯進黃粱
人間歲月元來
促未抵蒲團一夢長

鞍山道中

十載遊蹤再帝城
天教老眼富平生
新詩也勝良工
畫句裏山川總有聲

次少陵懷遠館別宋負外韻

十日遼城客愁顏
欲盡凋塞塵隨去
駟關月引征軺
草白陰山近雲黃
海國遙天涯
兼別恨霜葉政蕭蕭

海州衛道中

塞下窮秋戍鼓閑
太平民物此中間
遼陽坐甲三千
士海上提封百二關
紅樹暗邊知驛店
黑雲多處認
胡山斜暉欲盡人
猶去悵望青空暮鳥還

東昌堡途中

西奏東昌路孤城
草正腓鴈將秋色
去人趁夕陽歸
歲月添詩稿塵沙
化客衣村居邊地
少烟火望中微
牛庄夜雨用前日箕城韻

萬里羈蹤此驛亭
一秋雙鬢暗凋青
嚴程又值孤城
雨宿客今宵耳獨醒

渡三义河

河水無風雨不開征鞍暫卸古烟臺津頭老吏煩相問宰相如何今又来

沙嶺途中大霧

野霧茫茫不辨人路歧何處是通津天公也似丹青手水墨圖中着我身

高平途中

自牛庄至盤山泥淖不通行走長牆上凡二百餘里

百里長牆路蒼然四望平高鴻天半落寒日野中生地濶黃龍府雲深白鶴城傷心驢背客吟盡未歸情

壯遊

一嘯東雲別故園壯遊蹤迹半乾坤人烟隔岸青齊近虜火連山朔漠昏撫劍夕風生左海賦詩秋色滿中原澆愁欲典吳姬酒喚客青帘出柳村

遊仙詞

仙子朝乘鶴背高天颼吹送赤霜袍歸來乍醉瑤池酒玉女冰盤薦碧桃

五色雲中謁玉皇碧霄隨意駕鸞凰花間一笑三千歲未信仙宮日月長

廣寧

廣寧今日盛繁華路織人肩簇馬過巡撫威名揚御

史總戎雄略李輕車秋聲鼓角霜千樹夜色關河月
萬家誰識此間愁病客筆端豪氣絢生花揚鎬為巡撫御史
路遇 聖節使洪僉知輝世書狀官丁佐郎士
推為別

我正來時君正迴路歧攀袂塞垣隈海關殘日鞭頭
落遼野寒雲馬首開萬里相逢萍兩葉一場同醉酒
三杯殷勤為寄家中信須護窓前手種梅

連山道中

邊城殊氣候不雨亦常陰地接東關近山連北塞深
驛程隨洛日鄉思羨歸禽惆悵重遊客偏傷歲暮心

暮抵寧遠衛

雙樹村前路風沙馬足隨野從遼右曠山到漠南奇
日落行人疾天寒宿鳥癡孤城知未遠戍角暗聞吹

東關道中

是日有虜警

客行長向畏途過隔岸胡沙放橐駝烟外潮聲聞渤
澥霧中山色見紅羅孤城落日臨關盡古戍悲笳出
塞多猶喜漢家飛將在天驕不敢渡交河紅羅即山名

前屯衛道中

路盡遼陽數十州朔風吹客古關頭沙場白日烟塵
晦天到窮邊似有愁

偶占

遼河地欲窮烽火近雲中霧塞晴如雨沙場晝自風
愁心昏月上望眼曙星東故國無來信寒天有斷鴻
路上逢一老方瞳炯然有似神仙中人

逢着仙翁碧海湄自言身是老安期憑君莫問吾年
幾眼見長城始築時

塞下曲

塞下胡兒馬上飛黑狐皮帽白羊衣腰懸大箭鹿獐
甚射得當前一虎歸

昨夜沙場戰鼓聲風吹殺氣滿邊城將軍出意新輕

敵不損胡兵損漢兵

手中金僕臂雕弧走馬翩翩俠少徒誇說劍頭餘虜
血去年身斬小單于

半夜邊庭火滿山角聲吹月列營間平明探騎來相
語十萬胡雛近北關

磧地桑麻遍朔陲戍樓閑却夕陽旗即知聖澤無南
北瀚海今年凍合遲

大漠愁陰晝不開狼烽近接白龍堆風頭一陣腥膻
氣知是匈奴打獵回

十月望夜宿山海關羅城

歲暮孤城裏良宵感客情玉霜寒有力銀漢凍無聲
許國身長遠還家夢屢驚惟憐一片月分照兩鄉明
早入山海關止西城外人家
關外朝霜正滿冠主人嘗我小龍團客中耐可誇豪
侈石炭金爐座不寒

山海關

燕雲山海路東北一關雄鎖鑰三邊會梯航九譯通
長城秦代月絕塞漢時風誰識青牛客重來紫氣中

望海亭次少陵韻

并序

亭在山海關東南海邊十里許余嘗登覽真

平生壯觀也雖身繫一隅心未嘗不遊於此
今正使與書狀官欲與行而余以寒辭波靈
必落莫矣他日東還當隨諸公酌酒亭上與
海若馮夷相酬酢也姑以此謝之

山形從北起地勢壓東偏野接看羊海天連飲馬泉
至今姜女石應自祖龍鞭日月扶桑近乾坤砥柱懸
亭前寧有地波外更無邊俯瞰鰲頭嶼平臨鶴背仙
秦橋今杳灑漢轍昔留連徐市樓船遠安期玉舄傳
關防真勝絕控制亦形便杜鎮三方會神功萬古前
登臨曾少日夢想幾多年弱水遙三萬巖程渺四千

尋常思再陟咫尺病相牽借眼同行客聞聲儘好緣
雲陰開晚霽天意為高賢也是皇恩厚非惟造物
憐初平才不世太白句愈鮮况觀蓬山侶欣傳海嶠
篇卧遊元自在心賞却能全會與天仙遇長吟一豁
然

又次梧村韻

關城臨絕漠迥枕海雲偏五路通夷譯三方轉貨泉
皇威雄折箠胡意息投鞭地軸從東拆天文直北懸
飛亭出鶴外危石湧鰲邊日島波間國神山海上仙
遊巡嗤漢武高蹈慕齊連王母桃今結安期棗孰傳

長風如可借一棹往應便宇宙虛無裏烏蟾出沒前
秦皇求藥日姜女望夫年方士船何處瀛洲路幾千
凡蹤頻涉遠遊袂幸遭牽道侶知相待襄遲奈莫緣
登臨輸我輩題詠愧諸賢好事還多障浮生祇自憐
霞開鯨浪帖日射蜃樓鮮未縱重來眼空吟二妙篇
望洋心久失觀海目無全願托金華子招邀謝自然
謹接來章令人有千古之感敢再攀和

憶昔秦皇帝雄吞宇內偏長城猶紫塞遺火已黃泉
氣使諸侯膝威加六合鞭勢從攻守異跡自古今懸
幽薊風沙裏蓬壺日月邊燕昭曾立國漢武亦求仙

郭隗金臺峻麻姑弱水連
智愚真迥絕芳臭永流傳
北顧關防壯東臨地勢便
皇靈萬里外偉烈百王前
忝拜觀周日逢今御李年
鳳城天尺五鵬路海三千
禮樂新瞻盛山川舊興牽
旅懷仍吊古詩句或隨緣
感念亡齊客嗚呼義士賢
管寧蹤已渺姜女節堪憐
箕子初封壤遼陽近接鮮
井田餘教化洪範古文篇
聖德知無外藩邦喜拜全
猗恩思滅虜一欲勒燕然

次梧村韻兼述懷申謝

海內青蓮客生從鯨域偏
衰顏常道路雅志本林泉
北學魚千里西征馬一鞭
幕賓新契好江夏舊名懸

步武雲霄上絲綸雨露邊
玉京朝帝后蓬閣會神仙
駉馬燕臺迥星槎漢渚連
杜遊真不偶竒跡堪傳
聖主應紆眷天公亦借便
九秋遼塞外萬里海亭前
遽瑗知非歲張騫奉使年
襟靈深抱一筆力劣當千
久客親厨僕長途欠掌牽
氣清蠲俗慮心靜脫塵緣
敢道詩為聖惟耽酒比賢
沉冥知我分蹭蹬問誰憐
橐裏黃金盡頭邊白髮鮮
山川措病眼風月入清篇
世道看今薄交情得子全
行歌燕市夜撫古意茫然

次少陵韻

今代天官長英聲夙歲偏
三塲堆藝苑一賦獻甘泉

紫闕先鳴佩青雲穩着鞭東方文史足南斗姓名懸
聽履丹墀上承綸白日邊無雙銀署客第一玉堂仙
鳳沼身同沐龍樓袂幾連羽儀羣士仰風采萬人傳
葭倚慙形穢瓜投喜得便庸才甘噲伍盛譽合盧前
附驥還今日乘槎又暮年秦關過百二周樂觀三千
但覺襟期密都忘俗事牽愁中開笑口苦處遇良緣
筆自羲之妙詩今白也賢並遊誠竊幸同病荷相憐
形共秋山瘦心將皓月鮮旅愁霜兩鬢佳句錦千篇
跡隱身難隱神全道亦全靈山他日約鞋杖共超然

北京篇用前韻

自昔燕都勝繁雄擅北偏家燒薪是桂人飲醴為泉
白玉佳姬釧黃金壯士鞭九重雲五色萬歲日長懸
地理移三輔天居控四邊梯航來異國冠蓋集羣仙
列肆魚鱗合飛鳧鴈齒連北門宵柝絕東岳曉鍾傳
望海開關險通河運餉便樓臺歌吹裏城郭畫圖前
漢代隆治日周家定鼎年前星明兩兩寶曆過千千
遺路民羞拾蹊田俗絕牽太平真有象胡寇顧無緣
緬憶昭王霸仍懷樂毅賢孫謀齟齬易水事悲憐
盛世山河壯榮光草木鮮堯封千古地班賦二京篇
領略乾坤半收將物色全重來瞻盛麗作頌愧徒然

莊誦盛和北京篇無任歆服鄙生才已盡矣再
難效顰謹以書懷之作呈似博粲

平生許國志半世荷恩偏再杖燕臺節三嘗帝里泉
乾坤老杜眼山水子長鞭使蓋星新並卿班月舊懸
客心歸鳥外鄉信斷鴻邊竹國思清聖遼城問羽仙
關防臨瀚海烟火接祈連漢卒戈成枕胡雛箭息傳
恣探竒勝迹剛喜往來便歲月浮槎上風沙跋馬前
銜綸今白首沐澤最青年主聖登三五河清際一千
志期周衮補忠之魏裾牽松栢媿孤特藤蘿恥附緣
忘形樽裏聖尚友卷中賢舉世誰能識惟公肯獨憐

行開將詔逕時擊陸生鮮跌宕詩千首歸來賦一篇
身心須自保道義貴相全萬事皆徒爾長歌任浩然

北京篇又次前韻

箕尾全燕分乾坤北極偏天山仍近塞瀚海即流泉
號令掀雷鼓威靈振電鞭關頭日逐走旗面月支懸
虎豹嚴雙闕貔貅壯九邊城池象河漢樓閣盡天仙
禁樹扶桑接滇波太液連唐虞治並駕神聖世相傳
鎖鑰防胡壯咽喉控地便車書四海內千羽兩階前
國值重明運天開萬曆年周基恢八百燕塞拓三千
實自文皇斷寧容俗議牽畜藏知地秘經始信天緣

絕代英雄略當時將相賢秦皇何太苦漢武亦堪憐
朔漠王庭在長城粉堞鮮關河今帝宅歌頌史臣篇
玉葉鴻圖遠金甌赫業全喬山瞻萬歲佳氣政葱然

深河

燕南形勝地撥馬海雲隈樹木林胡塞山河漢武臺
路從西日入襟向北風開客裏關身物天寒一酒杯

途中次前日赴京韻

一病平生與世違只今邊琰已知非塵埃暗變途中
鬢霜雪寒侵馬上衣天濶蘄門秋鴈少月明遼海曉
雲歸羈心不道關河隔夜夜鄉山夢自飛

榆關

上國山川入眼親風光到處馬頭新榆關樹暗看歸
鳥鴈塞天清辨虜塵二十年間三度客四千里外一
孫身故園回日堪乘興臘後梅花漢水春

老將行

磧北寒霜入戰袍匣中塵暗七星刀戍樓今夜閑無
事卧看秋天太白高

萬柳庄次柳西垌韻并序

庄在永平府盧龍縣有李公浣者平涼知府
充濁之孫卒官光祿寺監事妻韓氏獨居構

祠宇設三世塑像俎豆之一時名人多詠其事
命曰節孝編傳于世我國柳西垞根詩亦
題板在壁焉

幽居占斷小溪邊纔望門閭便肅然節首三綱閨女
法孝原百行史家編妙辭他日徵碑記香火平生設
几筵老柳新詩分物色芳名早已海東傳

附西垞詩

拱木陰陰綠水邊祖孫三世廟巍然四時蒼翠貞
松樹一代輝煌節孝編遠客式閭迂驛路庖人為
黍盛賓筵藩邦亦被漸東化留與清芬萬古傳

隴西家世自平涼楊柳陰中認舊庄遺澤不隨丘木
斬盛名應共水流長霜嚴苦節三冬竹壁立高標萬
仞岡欲把絲毫摹勝蹟臨程無奈客行忙右二詩後亦掛壁云

夷齊廟

凜然遺塑舊祠宮猶想雙清氣象同倫紀君臣兄弟
際姓名天地古今中城懸北海當年月野響西山百
世風往事傷心孤竹國夕陽無語水流東

詠夷齊二首

未信殷仁只有三同時二子是真男當初讓國元微
事湯武千秋也有慚

已分捐生叩馬前採薇非是為身全區區欲把西山
土保得殷家一片天

射虎石

鍊石何年落塞門至今如虎路傍蹲憐渠不逐秦鞭
去留得將軍飲羽痕

途中

道路何時盡乾坤到處寬山川夸父杖關塞漢臣鞍
海月隨人遠燕霜入鬢寒茲行非為眼髀肉已無完

七家嶺有感

庚寅赴京到此製望白雲詞
一闕今用其詞語以記感

悲歌一曲動乾坤萬里重來望故園天北河山孤竹

國日西烟火七家村幽懷杳杳關雲色片夢依依嶺
月痕惆悵十年前度客只今銷盡遠遊魂

豐潤郭家壁上見韓石峯遺墨

韓子亡來筆海乾精神每向卷中看壁間今有龍蛇
字半夜風雷繞座寒

途中記所見

幽薊山川活畫奇野中衰草夕陽時牧羊小子清如
雪疑是前身叱石兒

臨水誰家戶半開美人含笑玉欄隈分明天上飛瓊
侶新自瑤臺謫降來

薊州

塵沙撲撲朔風獰吹送征人度北平衣上暮霜榆塞
路馬頭寒日薊州城屯烟古樹詩中景流水荒橋客
裏情借問前途知幾許五雲深處是神京薊門烟樹
乃燕臺八

景之一又有
漁陽橋故云

三河途中

驛程行盡薊門沙驢背長風掠帽斜遙指夕陽烟起
處白榆林外有人家

通州路中

燕城物色儘多奇客子重遊眼更疑淚入金臺當日

跡歌傳易水昔年悲乾坤半落杯中酒山海都輸篋
裏詩回首故園東萬里潞河西畔夕陽時

宿夜偶吟

客窓孤寂掩門深霜氣吹寒欲冰衾歧路十年多少
事一燈今夜伴愁吟

朝天宮演儀罷回口占

曙色初開日未生萬官環佩集三清歸來却鎖烏蠻
館一餉勻天夢裏榮

玉河館即事

寥寥孤館玉河東客裏驚心歲律窮日暗燕山南北

雪天寒易水古今風尋常遣悶憑詩力取次澆愁仗
酒功惟有行裝一老劍夜窓時覺氣成虹

至夜獨坐偶吟

玉管浮灰獻小春客中時序一陽新愁燒帝里香燈
夜夢飽家山豆粥晨酒為暖寒聊酩酊詩因破悶強
吟呻朝來不用看明鏡雙鬢如今捻似銀

檢曆冬將盡挑燈夜欲窮政逢南至日偏怕北來風
屋暗窓呈白爐寒火撥紅愁心仍令節牢落客亭中

冬至翌日賀儀即事

落月銜城開曙烟滿庭簪珮會神仙螭頭乍暗端門

裏雉尾初分寶座邊萬歲三呼雷啟地千官五拜日
升天瑤墀禮罷沾嘉饗矯首紅雲咫尺前

即事

紙窓霜氣冷侵帷玉漏無聲夜正遲夢入故園狂似
鹿身羈蠻館縮如龜冰橫大澤龍蛇凍雪壓中原虎
豹飢眠起不知朝日上獨呵寒筆寫新詩

十二月六日夜夢作

翌年三月晦始竣
事辭朝是其驗也

一代風雲會千年禮樂新恩波萬里道花暖鳳城春

無題

坐忘終日一言無這裏工程足自娛身在動時猶習

靜澹然隨地見真吾

苦寒行次謝康樂

歲歲層冰合紛紛霰雪落浮陽滅清輝寒禽叫悲

壑飢爨烟不興渴汲水枯涸

右康樂詩

黝雲蔽六合雪花飄碧落陽烏凍不翔陰兔愁藏壑
呵筆欲成詩冰堅硯池涸

歲暮愁陰合天寒指欲落玄冰塞長河積雪封深壑
惟有華池泉窮冬亦不涸

重門晝鎖合慘慘日西落凍雀依空林蟄龍泣幽壑
石鼎試煎茶獨敲冰井涸

十二月十八日夜夢得龍飛四十萬萬曆胡雛
奔走氣自奪聖主千年天地德三句因演成雙

韻以識之

龍飛四十萬萬曆天子垂衣御宸極巍功赫業五帝
六冠帶車書四海一商周禮樂漢文物鼓舞堯天歌
舜日家傳洙泗戶瀟洛聲教洋洋被殊俗皇靈北蹴
天山裂胡雛奔走氣自奪燒盡煥蠹鏟區脫燕然石
立瀚海竭威讐南蠻坦西域梯航萬里來九譯會同
開宴飽帝澤光祿珍羞太常樂東韓小臣恭獻祝聖
主千年天地德嗚呼聖主千年天地德

詠臘梅并序

在玉河館日有通官秦仁男者得一盆梅俾
觀之古榦踈枝清香冷蘂真梅中第一品也
其始開者如姑射仙人綽約肌膚臨風啓齒
其欲吐者如月宮素娥身着白霓裳半露顏
面其蓓蕾而未發者如苧蘿女淡粧雪中含
羞不語而已覺妍媚其先發而向謝者又似
明妃出塞洗盡鉛粉玉貌憔悴而故態猶存
種種奇絕莫可名狀對之令人不餐而飽夫
植物之性隨地寒暖為早晚遲速梅固得氣

之先者而臘月開者尚罕况北土寒烈冰雪
塞空而乃能回生意於殺節復陽和于剝陰
吁亦異矣且譯者唯利是嗜而秦也獨能外
利而嗜梅發橐中錢購人之所不嗜非其胸
次澹然有大過人者能若是乎又懼梅之難
久也必欲得余詩文以壽梅於無窮其志尤
可尚已第鄙拙之詞何足以傳神恐不免梅
兄一笑耳

半夜寒庭糝玉塵窮冬不覺歲華新冰姿月色看相
映天到梅花與別春

素衣三化帝京塵物色撩人意更新須信聖恩同雨
露早梅先動臘前春

梅兄標格絕緇塵最愛清香帶雪新誰識忘言相對
處此翁心地一般春

騷人胸次本無塵詩得梅花別樣新回暖不煩鄒子
律筆端清唱自陽春

梅蘂衝寒不染塵客窓清興曉來新東風萬里江南
夢吹入孤山雪後春

千載逋仙骨已塵只今誰復繼清新天工似與詩人
巧粧點寒梅分外春

再詠三首

臘月窮邊見物華暗香來處影橫斜騷翁不識春光
早錯認枝頭雪作花

積雪人間混素華忽驚梅萼一枝斜九天高處寒應
甚上界如今未有花

盛冬何地覓春華惟有新梅雪裏斜莫恠殷勤頻把
翫夜來超有續開花

壬子元日

伏枕無端欲二旬帝庭虛負祝堯辰諸侯玉帛三千
國萬曆乾坤四十春斗柄乍從陽氣轉梅心先共歲

華新夢中不省身淹病猶逐鷓行入紫宸

病未參賀班故云

百年已強半此意共誰論北雪逢新歲東雲隔故園

柳青堤外眼梅返嶺頭魂一盞屠蘇酒春風滿面痕

人日效宋之問體

去年人日洛城南今年人日燕山北但看庭雪作花

飛不見梅花如雪白萬里逢春客未歸他鄉物色漸

芳菲裁書東望倍惆悵碧海天長來鴈稀

元夜

帝里繁華逐歲新上元今夕最佳辰燒燈巷陌家家

畫賣酒樓臺處處春歌管連宵喧繡幙軒車徹曉輶

香塵誰憐旅館冰霜裏孤燭寒眠萬里人

病懷

此身雖病此心安萬事紛紛倚枕看末路功名寒淡

泊長年藥餌苦辛酸猶憐筆下風雲壯自信胸中宇

宙寬若使死生都脫落世間何地不為歡

二月大雪

五出花前六出飛忽驚春色入重扉雲中亂舞千霜

鶴月下初來萬玉妃地近瓊樓連瑞氣天開銀闕眩

晴暉應知上界朝元處濕盡羣仙白羽衣

詠枯竹八首并序

少陵公得盆竹一個以為翫經冬色不變至
春忽枯損故詩以傷之

可憐孤竹子風骨本來清勁直由天性何曾異死生

其二

青青臘月中寂寞向春風尚保冰霜操恥與桃李同

其三

吾聞古臞仙骨蛻心不死會作葛陂龍直愁雷雨至

其四

此君耐歲寒胡乃失容顏但使性根在誰求色相間

其五

靈均放逐日楚澤獨行吟形貌雖枯槁猶存一片心

其六

佛子得三昧能超無色界竹固不凡材安知亦尸解

其七

世有鮑焦者河邊獨立枯枯來節愈固得似此君無

其八

雪裏琅玕色移將彩筆端掛之素壁上炎暑為君寒

疊韻

高人自愛竹相對一般清形枯節不變凜烈尚如生

其二

君為竹溪逸君有竹林風非六亦非七襟期獨與同
其三

曾聞伯陽子再起徐甲死蕭蕭枝葉間已覺清風至
其四

無竹令人感有竹解人顏今朝庭雪響不到客窓間
其五

獨憐風雨夜長作小龍吟外直知君節中虛似我心
其六

竹亦天所愛移之歸上界物化本無窮此理誰強解
其七

萬木皆春意亭亭爾獨枯周家全盛日知有伯夷無
其八

盆中一竿竹氣已凌雲端遽失平安報誰將共歲寒
其九

冰霜能獨潔風月與雙清似學詩人苦如何太瘦生
其二

冷葉冬猶碧疎枝夜自風此間如共醉應與竹林同
其三

二月春光裏竹君抱節死彷彿尚聞風伯夷清獨至
其四

青青能傲寒今日慘無顏榮悴須臾事何殊人世間

其五

有酒相伴飲有詩相對吟今朝忽惆悵誰與共此心

其六

盆中劣容芥豈是寬閑界所以不屑居超然得懸解

其七

誰將鄒子律回暖為噓枯倘使宮成竹貞魂返得無

其八公以梅竹二盆置坐傍故篇中及之

梅兄將竹弟取友一何端今入有聲畫繞窓風雨寒

疊四

龍蛇時動影霜雪獨含清莫謂施黃貌堅貞自一生

其二

籜龍纒滿尺已有丈夫風紅紫媚春日肯將兒女同

其三

爾本雪中青今胡雨前死枝柯日已枯未覺條風至

其四

無暑亦無寒喜君冰玉顏更憐孤直節不變死生間

其五

裁成黃帝管擬作鳳凰吟古調無人識伶倫得我心

其六

竹若有來生受生應淨界吾與爾結緣相纏恐不解
其七

初謂爾成醉那知爾竟枯須傾竹葉酒洗盡此愁無
其八

精神留雪後顏色入毫端凜凜猶生氣坐令牙頰寒
其五

植物中君子天姿稟直清亭亭看玉立遽作可憐生
其二

子陵昔垂釣扶漢有高風我欲作竿去古人心事同
其三

天竺釋迦子無生亦無死今看玉板師寂滅何方至
其四

羞把雪霜貌強隨桃李顏從來特立操難處衆芳間
其五

愁來何處嘯興來何處吟春窓對搖落寂寞歲寒心
其六

天地發生仁陽和布世界七日應來復雷雨方作解
其七

東風振羣勢曩亦蘇枯君有中和氣還能起死無
其八

爾生異凡卉爾死豈無端應伴月中桂潛移向廣寒
疊六

中歲君子節氣得聖人清故學西山餓堂堂不苟生
其二

淨友是芙蓉蒼髯居下風龍鍾多苦節真與我相同
其三

蕭蕭竹聲乾黯黯竹色死徃徃谷風吹尚起鳴鳳至
其四

崑山綠毛仙千載尚童顏變作黃面老歲身枝節間
其五

故園窓下竹風雨夜常吟歸去一把翫庶慰今日心
其六

此君慕蟬蛻寧能久塵界柯葉正離披恰似麋角解
其七

櫟樗能得壽爾獨背春枯生死不易守人中有此無
其八

竹如孤特士正色立朝端死者倘可作姦諛心骨寒
疊七

竹吾甚愛之愛之以其清今看骨已換夷叔是前生
其二

竹有凌霜操中含太古風欲作柯亭笛知音誰得同
其三

爾非日及花朝榮暮即死如何便成枯不待芳春至
其四

雨氣難生色年光不借顏端疑古帝子獨泣綠雲間
其五

我無諧俗韻時和此君吟今忽捨我去何人是賞心
其六

問竹今何之應知出三界如生貌不青始信形已解
其七

物理諒難詰紛紛榮又枯竹非真我有本出於無

其八

挺挺不改節持身此大端君子故愛竹獨貫四時寒

偶成

賓館經冬歲又華衣冠染盡玉京沙羈懷冷落多因
病客夢參差少到家春日不消頭上雪年光先入眼
中花愁來坐美東歸路海外雲烟萬里賒

謾書

帝里光陰幾變質寂寥孤館晝常扃人生不及忘憂
草到得春風自在青

丁酉赴京時遇安南使臣馮毅齋克寬留詩為
別頃年本國人趙完璧者陷倭中隨商倭往安
南其國人頗有誦鄙詩而問之者後完璧回本
國傳說如此夫安南去我國累萬里歷世莫通
况海路之險遠乎事亦奇矣今在玉河館念舊
而作

丁酉年中謁紫宸帝鄉相遇異鄉人烏蠻一罷當時
夢玉節重來十載身賈客謾傳新說話詩篇長對舊
精神毅齋今日平安否惆悵梅花五嶺春
執壤曾隨象譯來偶同傾蓋古燕臺天涯贈別唯詩

句客裏論文幾酒杯人去玉河孤月冷路分銅柱瘴
雲開十年兩地無消息腸斷東風鴈北回

三月三日

客中佳節政三三萬里鄉山思不堪欹枕暫時成午
夢却尋芳草到城南

初十日辭朝即事

起來星漢未明時館子相催上玉墀朝下午門天咫
尺日光紅射萬年枝

三月望日

重關鎖斷九街傍不省韶華滿帝鄉地接紫宸黃道

近橋通金水玉河長笙歌萬戶春雲熟桃李千門夜
雨香遙想故園花事晚海天歸思剩如狂

辭朝後臺餽不至行李並已打發而旋復淹滯
絕糧數日下皆愠見余以一笑答之天既不使
是子死於病又豈使今日死於飢乎以此自寬
亦欲以寬人真可笑也

三月光陰半已過客來燕館耐沉痾囊空杜子寧羞
澁門掩顏生但浩歌萬事古今無不有此身天地欲
如何衰年志氣猶難挫一笑春風動玉河

二十日祇領冕服抵通州

雨露琅函下瑣闈烏蠻夕客出重扉手擎丹詔沾恩
重身與青春作伴歸碣石飛雲隨使節金臺落日送
征衣揚鞭直度通州郭花滿晴江水正肥

題賜扇

上年赴京時蒙 召對便殿仍賜漆白扇等
物蓋異數也

寶箴涼生袖裏秋提携尚覺 御香留行邊更識吾
王意要遣清風灑帝州

三河

一年腸斷未歸人觸忤風光到處新鞭外山川燕地

夕袖中烟月薊門春連堤草色晴如夢夾路桃花暗
欲嘖客裏無錢難買醉謾將詩句答芳辰

鴈郊

杏花村落野橋頭多少青旗映酒樓隔水誰家開繡
戶柳邊門巷最風流

薊州

春色天涯正碧桃薊門芳草上征袍青山落日崆峒
壯紫塞長風渤海高千里旅愁憑醉失百年衰興倚
詩豪驛亭無限韶華節收拾空教兩眼勞

玉田途中

微雨初晴驛路長萬家春色媚斜陽天公似欲誇奇
艷却為千花一洗粧

沙流河書愁

長路塵沙滿客顏主人窓外對青山悠然倦倚藜床
卧贏得眠中一霎閑

豐潤

策馬投孤店聞鶯憶故園落花三月路垂柳萬家村
夕日辭燕塞春雲出薊門臨歧一聲嘯暝色赴中原
榛子店

花前聽鳥成歌管霧裏看山似畫圖傍柳人家知有

酒橐中羞却一錢無

途中即事

暮樹看看暗春天望望陰殘花風後少芳草雨前深
野蝶疑莊夢山禽學越吟空悲遠遊客無限未歸心
次少陵韻
病吟不覺韶光盡辜負銜杯餞暮春千里亂山愁外
夕一年芳草夢中人花殘薊北啼鶯樹雨浥燕南撲
馬塵萬柳東邊明日路別區晴景十分新

灤河

河水茫茫落日時停驂一望伯夷祠祠前松栢高千

尺似學當年特立姿

途中

岸柳迎人舞林鶯和客吟雨晴山活態風暖草生心
景入詩中畫泉鳴譜外琴路長行不盡西日破遙岑

塞下曲四首

烟樹蒼蒼舊漢營塞垣刀斗夜無聲至今飛將威風
在胡虜千秋畏北平

拓盡提封瀚海東太平烟月戍樓空何當斫取天山
石好勒將軍不戰功

地近燕支塞外山漢邊金鼓百年閑將軍玉帳恒歌

舞青海城門夜不關

聖代山河古，薊城軒轅臺。上夕塵清邊，頭老叟唯耕。鑿自說生來不識兵。

萬柳庄途中

滿地殘紅濕不飛，四山空翠滴人衣。長堤十里垂楊路，斜鞦吟鞭畫裏歸。

榆關

繫馬橋頭柳絮風，片時偷卧酒樓中。忽忽又着金鞭去，路出青榆樹影東。

山海關

滿程花絮政紛紛，行度關門日未曛。幽塞山川曾領略，帝鄉風月更平分。題詩海驛生春色，跋馬遼城破暮雲。來往十年憔悴客，棄繻誰信舊將軍。

東關

去歲初銜命，經春不到家。山川窮亥步，星漢掛張槎。客夢先芳草，歸期後落花。長亭遙一望，滄海日西斜。

曹庄

客心如水日流東，萬里關河腳底窮。詩就炎天飛白雪，賦成滄海有雄風。華夷氣色登樓外，宇宙胸懷把酒中。狂興此間無處遣，夕陽孤劍倚層空。

連山

樹外山連海雲中野入天誰知驢背客詩在柳橋邊

杏山

一夜孤城睡未牢僕夫催我整巾袍角聲吹破譙樓曙指點扶桑海日高

附少陵詩

四海詩名動帝鄉當關虎豹避文章乾坤半入雙青眼風景都輸一錦囊滄海春流無急浪崆峒晚色靜年芳中原大雅今寥落誰似芝峯得盛唐

皇明之詩豪如李攀龍夢陽輩俱已寂寞兄當獨步於天下故云

次少陵見贈韻

一年冠蓋其他鄉每喜清篇錦作章遼路烟花新夢筆薊門風月古奚囊久聞大雅中原盛敢謂齊名二李芳詩道得君堪托契世人知宋不知唐

二李即李夢陽攀龍

次少陵韻

進退格

驛窓啼鳥苦催歸春色何曾為客遲芳草欲迷今日路落花猶入去年衣連堤萬柳烟中迥傍海千山霧外竒正憶巴陵江上宅竹扉新水到漁磯

遼東巴陵乃陽川別名薄田在其江上故及之

廣寧途中

拱護神京地城池壯北陸野空雲慘悽天遠樹參差
海暗秦皇島林深漢將祠山川馬首濶悵望夕陽時

廣寧城門扁揭拱護神京四字故云
秦皇島在海中漢將祠即關王祠也

宿夜

倦客來投郭裏村海天新月破黃昏中宵聽盡羌兒
笛夢斷梅花落塞門

次少陵韻時楊御史將東巡故詩中及之

漠南亭障接西洮巡撫勳名一世豪壯氣欲空千虜
穴雄風先伏九溟濤臨邊鼓角黃沙動出塞旌旗白
日高早識餘威留異域吾東猶得偃弓刀

聞虜入瀋陽之境楊御史領兵赴援

日夕孤城羽報多天驕十萬近遼河元戎獨擁青駝
馬壯士皆騎白橐駝塞上威名今寇準禁山才略古
廉頗只應免却汾陽曾生致軍前藥葛羅

次少陵韻

自憐小技窘黔驢佳句連篇每起余吟處頓忘千里
路語時還勝十年書胸開聖水薰風裏眼豁醫山爽
氣初東去即看華表近興隨孤鶴躡空虛

不凍不涸
名聖水盆

次少陵詠聖水韻

山頂纔容半畝寬，靈源噴雪夏猶寒。周泉潤德還非瑞，湯旱燒空也不乾。理貫鳶魚四時活，氣從光嶽萬年完。聞來自覺胸襟爽，何必清風借逸翰。

途中

野澗中前所河深，大小凌亂沙風作。黨孤館月為朋，塞草青無際。關城粉幾層，邊虞激壯膽。回首陣雲凝。

長牆

墻脊僅通行，東西數百程。途危輕九折，天險失長城。始識人謀壯，應用鬼築成。平生叱馭志，到此亦堪驚。

次少陵題壁畫韻

霓裳一曲酒盈卮，天上仙宮夜宴時。中有素娥嬌舞態，玉顏猶似醉瑤池。

東昌

路長人欲老，春盡客猶行。細草他鄉色，流鶯故國聲。柳邊沙嶺驛，花外海州城。跋涉休言苦，茲遊快一生。

聞千山有祖月寺為遼東勝地而不果登陟
遼海風烟處處奇，壯遊蹤迹一鞭知。分留物色還堪恨，尚欠千山寺裏詩。

草河洞

病倦長途信馬過，麥天風日正清和。客心流水橋邊

迥詩思青山樹裏多岸柳低成垂手舞林鷺轉作緩
聲歌龍灣此去知無遠烟外三江接八河

鳳凰城

鳳凰城北還家客龍虎臺西落日時山鳥喚人多杜
宇野花低岸半棠梨一春光景途中興千里關河馬
上詩猶記去年沽酒處綠楊風外颺青旗

渡江日途中

故園東隔萬重山遼野蒼茫落照間行盡九連城下
路青林缺處見龍灣

築城詞

斧落江頭千丈石地靈無力捍洪濤將軍慎莫高成

築築得高時更不牢時義州大伐江邊石改築城子故云

新安館別千秋使吳德者

邂逅孤城一解顏別筵歌笛夕陽間恣恣未了朝天

曲快倒離觴指遠山余赴京時製朝天歌一闕州妓能傳唱故云

箕城

落拓當時一病身半生惆悵遠遊頻沮橋無限新楊
柳盡是騷人別後春

嬋娟洞

一夢妍華去不回野花猶似笑顏開尋香蛺蝶飛無

數應有春魂幻化來

黃岡

庭院梅風午池塘麥雨秋江山萬里眼留與一登樓

開城途中

驛路鞭頭盡山雲雨後低行人依碧草洗馬傍清溪
遠樹看疑近平蕪望欲迷隔城楊柳色日落小橋西
到開城夢得三句仍添入五色雲中三尺陛一

句以成一絕云

天開華岳千年地日照崧高萬歲山五色雲中三尺
陛羣官稽首拜龍顏

題詩稿

萬里歸來一馬鞍帝京山水喜重看奚囊剩有新詩
句風雨常生卷裏寒

余於詩非敢有作為之意居閑無事時見境有觸
於中而或不能不發於吟詠故辭不必工而數亦
無多矣歲辛亥克冬至蕪奏請副价赴京師正使
則少陵李公而遠書狀官則梧村黃公直之也凡
山川人物之羨盛城池宮闕之壯麗古今事迹之
可悲可喜接乎目而感於心者徃徃不能排遣或
為之口號或相與唱酬捻如千篇哀為一帙皆得

於造次跋涉之中命辭用意未免潦率唯以備後
日之翫其贈琉球使臣者別錄于下云

附任疎菴序

中國之人矜其所處之尊無所求於九州之外由
是海東文獻有小中華之號而猶且抑於䟽迹不
能以此自多蓋嘗有自修者德炳炳如也直一塹
水襟帶間名不得出境而馳况其外之文乎昔夫
子刪列國之詩未嘗坐其土之僻也是以黃鳥小
戎等諸篇鴈行於三百之中其進之也深矣去聖
益遠天下日入於狹自新羅織錦之詩僅一贅於

永徽之樂府踵其後而興者豈無韓陵一片之石
咸池子都於天下之聰明而曾不得與下里巴人
之糟粕角上下駟於諸夏之間是故生於此邦而
得乎迷作之體能達於父母之國又斥其餘以喻
蠻夷九譯之俗此智力不可得也芝峯公獨何人
哉始公以奏請副使至京師既還搜其錦囊之藏
得詩若干首編為二卷目之曰續朝天錄余得而
讀之卷未半乃擊節而言曰何必陳孔璋檄哉是足
以去頭風矣夫詞未有不可工者必也詩乎然工
者或病於不足能工而無不足之病又潤色於右

文之地抑何難也嗚呼文章之利於用大矣海涵
而地負者不二三出於其有而觀者已大駭於一
斑是惡能悉虎豹之文邪天下之壯觀莫盛於赤
縣之遊自箕封之域渡江而西望天壽山而後止
其行也亦遠矣大抵北方古冀州地三代帝王迭
興先天下而邑焉重以周秦兩漢晉魏隋唐之形
埒古跡蝟毛翰墨之用武無以易燕趙之郊而物
色之旁午又從而挑之如襲人之軍四面蜂起前
者未及退而後者又逼矣公以一箇應兵談笑而
當之左交右接恢恢乎有餘勇故日益久而辭益

富夫多則難精作者之常也今公立言愈多而用
意愈精如玉之剖於璞也如金之脫於沙也無發
而非精也嗚呼公之於此術可謂窮其要而極其
妙者矣乞琉球十四律尤清高婉麗不作時人一
字一句而扁鵲於海島之篋救蒙袂輯屨之饑梁
肉不已侈乎魑結卉服之民何與於聲律之美彼
雍闕洲渚習乎陽侯之波木道賈曹偶東西南天
地之際焉得珠璣犀玳瑁則捧腹而笑此有不索
索其索豈在於詩哉以其所不索索之如素所索
之者公詩非大過人者彼固不强於索矣異哉彼

與我處相遠也習相反也徒以所尊者同焉卒然
相值於朝宗之地以是為請以是為贈公詩既自
東而之華又自華而之蠻斯其所以為難也雖然
琉球之事其小者也公前此朝天時安南使者馮
克寬亦入貢至燕公貽之詩其詩膾炙於南文之
域其剗髮而稍狡狡者無不吟口云然則公之文
采素夷狄久矣安南為最遠也蠻布弓衣織文春
雪詩視琉球業已十餘年先今其及於琉球者皆
安南之草薊也孟子曰天下之目同也今余益信
於公詩也夫以荒炎鳥獸之氓猶能禁鬻乎公詩

不敢暫捨公於牙頰况乎中州薦紳之鄉乃具眼
之淵藪也鳩舌之所能取中州獨不能取之乎如
是則出幽谷而遷喬木者不獨彼織錦之詩而公
於東國之文章有破天荒之功矣吁其盛哉雖然
詩其小者也公行峻潔清而不撓撓於外物名利
擊一世人而奪之操卒不勝公恬退之守蟬蛻於
流俗獨古人心見此則華人之所不能知而蠻貊
之所不能識也其塵垢糠粃猶浸淫乎盛唐之態
庶幾萬曆年於開元天寶之際始者聞公德古人
也今者觀公才又古人也明月之珠夜光之璧不

芝峯先生集卷之十六
蓄於室而凡案之間先輝陸離假令魏國之愚夫
中夜而見之必不敢擲之於野也卷尾錄問答之
語文簡而有法文真紀事之文也萬曆壬子秋疎
菴任叔英謹序

芝峯先生集卷之十六

芝峯先生集卷之十七

新恩唱和錄

附沈相國詩

奉呈東園先生慶筵以志白眉龍頭之喜並
望和教結句微有賈蔡相愛之諷幸恕之

青蓮丹桂狀元郎奎璧煌煌耀震方遲速父兄容
一歲低昂賦策擅三場功專穠叢秋宜熟葉秀箕
裘世益昌已向朝端賀麟鳳還將字義戒危觴

疊前韻

天上麒麟有兩郎悅親科第冠無方王孫特地簪

纓族國子宗盟禮法場恬默中年稱吏隱寸華他日秉文昌重陽何必登高會慶席名園醉百觴

老拙忝塵華迺得見盛事不勝歎謹以蕪

詞致謝幸送示南宮右侍郎辭春令公時任禮曹參議故云

伏奉相國所賜前後二詩滿紙華袞有踰一字

之褒榮耀大矣自揆庸拙非所敢當至於結句

字義之誨辭意勤懇不惟不肖服膺銜感而已

莊誦之餘不覺悚然起警敢將蕪語仰浼台聽

衰門幸有二兒郎敢謂元方並季方淡墨題恩新甲

榜華迺逞戲廣球場傳經素業慙劉向貫虱高才謝

紀昌最感相公垂誨意應從盛滿戒盈觴

相公佳句壓錢郎黃閣風流孰比方枉屈貂犀來映

座因緣詩酒慣逢場文章已遣時人誦事業重回世

道昌明歲今辰應更健不妨長醉菊花觴慶迺重九日故云

詩名本愧水曹郎有子寧能教義方三世祖孫傳緒

業一時兄弟占科場宋朝策士推蘇氏唐代詞人說

會昌淺薄將何齊往躅祝 堯空奉萬年觴

送示南宮右侍郎從知勝事聳多方德星下照蓬蒿

徑詩陣橫驅翰墨場自分衰遜投散地寧堪剪拂擬

文昌殷勤一語宜銘佩何必區區效覆觴起句用相國語

再次韻

誰堪酒德頌劉郎相國新詩勝藥方須信訓辭垂世
鑒豈徒文字冠詞場提撕不啻周為誥佩服宜師禹
拜昌當日蔡公尤足尚一生存誠廢杯觴

時人爭賞綠衣郎一夕聲華動四方不喜首登文武

榜惟須勇退利名場清貧慎守家風素詩禮終期世

緒昌堪恠夢中先有屯絲雲仙酒滿金觴是年春在
北京玉河

館得敏求登第之夢有詩記之
曰絲雲仙獻酒云云乃其兆也

又次前韻

二十年前玉署郎自憐衰質欠剛方身逢 盛代風

雲會服及中華禮樂場天上使輶回北極雪邊征路
繞東昌歸來更荷新恩渥春滿彤庭雨露觴赴京繞
還故篇

中及之東
昌地名

寒舍重看折桂郎向來為學尚迷方飛騰白日層霄

路步武青雲萬里場世襲家聲知積慶天扶國運喜

逢昌却慙經幄虛榮寵慣醉宮厨藥玉觴方忝玉
堂故云

二子寸非古陸郎妙齡科第略相方一時勝事傳聞

喜九月佳辰近滌場歡接冠紳二館盛慶兼家國萬

年昌當筵只祝 君王壽欲取南山作酒觴

諸賢雅望冠卿郎八斗聲名振一方氣槩獨高今世

芝峯集卷之十七
三
士風流肯落少年場詩從始盛中唐出文似東西兩
漢昌唯有龍鍾寸已退愧無佳句侑傳觴

謝車復元趙深源和寄

脫却麻衣拜夕郎遭逢不讓漢東方天街賜蓋遊三
日錦席迎恩戲一場誰遣俳優調郭秃旋看九劍舞
黃昌亦知相國勤垂戒聊為先生強舉觴右詠新恩
異寸誰數蔡中郎冰子元無得熱方浩蕩詞源傾九
海縱橫筆陣掃千場詩追大雅辭逾富文襲先秦氣
更昌喜得雄篇時朗詠絕勝絲竹對壺觴右屬車復元
芹泮曾為同舍郎少年趨向賴知方詩書跌宕青雲

氣詞賦聯翩白日場顧我形容憐老醜見君眉宇喜

丰昌如今合着居人後喫盡屠蘇幾歲觴右屬趙深源

洛拓平生學漫郎愛閑隨分最良方中年逸氣尋詩

社末路真心怯酒場陋質自多逢主聖非才敢道

得人昌當筵盡意惟須飲莫負迎新第一觴右自詠

又次韻專及感君恩之意終之以自警

次第科名屬小郎鋪張傑句照圓方人間盛事開歡
宴天上羣仙降道場賤品豈堪為世寶餘生唯幸際
時昌德星聚處文星並喜見恩波溢巨觴

九天金榜集仙郎童子何知占上方撐屋詩書開舊

葉蔭門桃李築新塲
揄揚健筆輸車胤
摸畫能寸借
趙昌奉祝吾
王千萬歲鳳樓長
御白雲觴第三聯借姓字

以屬車趙二公

獎飾詩篇自省郎
一時傳誦遍遐方
春生上笏榮臨
席日照斑衣
戲舞塲最識
君恩深浩蕩
端逢國運
屬明昌
門闌恠底饒
佳氣丹桂濃
香政入觴
榮名休說探花郎
君子行身自有方
履位常存盈滿
戒操心莫逐貴
遊塲石家厚德
當時盛于氏
陰功後嗣昌
積善從來餘慶在
欲將斯義擬銘觴

又置前韻

傀儡當筵舞郭郎
管中優戲逞千方
居人雜沓空諸
巷座客留連醉
幾塲文物周家知
最盛衣冠漢代喜
今昌准思歲歲黃
花節長祝
君王壽萬觴

父長成均子拜郎
愚庸不分玷官方
慙非真北追風
足謬廁江西選
佛塲上相一言情
太厚高賢諸作氣
增昌他時報得
君恩了歸去
田園自詠觴余為大司成敏

求以新恩拜典籍同日除授兩典籍於本館為郎屬故云

為官何必紫薇郎
生計休營什一方
夙歲致身雙鳳
沼中年回首萬人
塲家聲尺五慙
仙李詩譽尋常愧
許昌深戒豈惟鑄
小子衰慵本自嗜
含觴

功名剛似舊馮郎習靜惟求養性方家有一經纔教
子才非三絕敢專場青雲世味衰全減白首詩情老
自昌事業只宜輸後輩病來兼負手中觴

又疊

煌煌列戟羽林郎玉殿天臨赭案方文武袍靴分
御路神仙劍佩集靈場一雲五色明時瑞萬歲三聲
聖筭昌共感恩波深似海滿庭多士盡沾觴右感君恩
車子才雄敵杜郎慣從詩戰出奇方收兵我自堅齊
壘授鉞君今設漢場氣似周瑜焚赤壁鋒如李勣破
高昌相逢筆陣縱橫地盡醉論文日幾觴右屬車復元

一生詩句慕何郎得把虛名播異方投老有心焚筆

硯守雌無意拓門場甘同漢將全踈勒敢擬淮兵捷

順昌待得宿痾聞健後只宜重就罄餘觴右自詠○拙製贈安

南使臣詩傳播於其國故第二句云

先人積慶在諸郎不肖承家學失方尚賴風流傳世
世偶從科第冠場場詩書舊業思無墜軒冕餘榮見
漸昌僥倖一名何足道荒耽慎莫事杯觴右示勝兒

又疊

濟濟青袍羨粉郎一時爭集自諸方飛騰龍虎張金
榜變化鷓鴣出棘場借問奇才誰賈誼叨逢聖主

即姬昌惟須準備盈樽酒勿替年年九日觴右詠新思

西垞元是占魁郎對策踈菴擅一方五嶠大篇傾翰

苑雙泉新句繼騷場松翁相業邦家活柳尹門榮父

子昌更有南窓揮彩筆不妨談笑共罍觴右屬諸公

抱病清時著作郎聲名董賈儘堪方文瀾倒瀉鼉翻

海筆力橫馳虎攫塲人說長卿徒壁立天教東野用

詩昌吟成七發思君處肯起樽前一進觴右屬踈菴時踈菴

病告故云

不將賓戲續班郎病裏惟尋陸氏方門絕交游書作伴志存恬淡道為塲長慙袞職寸無補幸值邦家業

再昌一醉也知皆 聖澤菊觴纔罷又椒觴右詠懷

跋

右迷豚敏求萬曆上子歲中增廣別試文科第一

名拜慶之日原任左議政行判中樞府事沈公喜

壽來臨宴席首為詩二篇以寵之其曰遲速父兄

容一歲蓋以不佞年二十三迷豚聖求年二十五

敏求年二十四登第故也曰低昂賦策擅三塲蓋

言敏求為進士狀元及第會試狀元殿試狀元也

鋪張偉麗誠有不敢當之懼而至於還將字義戒

卮觴云者丁寧警誨語益勤懇非大君子成就勸

勉之至意何以得此繼而和者晉原府院君柳公
根詩一篇同知敦寧府事金公玄成詩十篇行護
軍洪公慶臣詩十六篇奉常寺僉正車公天輅詩
二十四篇承文院著作任公叔英詩二篇原任縣
監趙公浩詩六篇進士成公汝學詩六篇進士金
公燧詩一篇不佞詩三十篇迷豚聖求詩一篇敏
求詩一篇共一百篇彙為一帙命曰新恩唱和錄
今只記拙作于右

芝峯先生集卷之十七

